

企齋集

共八本

~ 16
2412
4



和
2412
8-4



企齋集卷之十一

皇華集

嘉靖乙亥春
天使翰林侍讀華
察工科主給事中
薛廷寵奉詔
來頒持遣公為都司
使代遠按使蘇世讓作
慰



次正使車輦館蟠松韻

愛爾一株松獨占清陰好盤根托厚地偃蓋
圍翠葆山風響窸窣驚濤殷海島枝舉舞鶴
蒼鱗蹙卧龍老關河五六月路上愁炎潦披
襟卧其下熱惱方一掃何復醒醉石不要迎
涼艸鬼物尚訶護千秋長不槁縱未扶明堂
猶能儼官道遲之含晚翠肯教園老早庶將

保歲寒不辭成連抱大庇嗚死民亭之拂穹
昊豈比倚江柁委棘傷虎倒

次副使蝶戀花韻

殘春風雨用雲
同惜春春詞

樓頭客子春心小蝶恨花愁草之都忘了芳
信不傳雲香之美人誰與開孤咲 庭院沉
之春欲曉萬事思量未見年還少愁似縑車
千緒繞無端捲幔東風峭

終朝庭院簾纖雨簾外小枕借問人何去海
上三山隔島嶼瑤英識我歸來思 芳艸薰
之送去路無教雲鴻通來飛不度惆悵別愁

難盡處風花捻是傷心樹

次憶王孫韻

無端花絮曉隨風送盡春歸我又東雨後嵐
光翠欲濃寄征鴻家在山前萬柳中

次菩薩蠻韻

若到曉鍾春已過春光此日傷無暮誰送斷
腸聲黃鸝知客情 山花嬌靨濕似帶傷春
泣綠酒瀉杯心捲簾空抱琴

次謁金門韻

對卷月病後還拋舊藥忽憶去年垂柳陌子

規聲未歇 千里殘春孤客愁見蒼紅頭白
不有小槽春酒滴青衫那禁濕

次玉樓春韻

海棠含露臘脂濕小雨霏微欺晚日傷春人
復捲簾看目斷萋萋芳草色 誰吹嘹亮江
城笛應惜風花飄錦席金龜何處酒須賒莫
把菁華空任擲

敵那音調有異不慣此作然盛意不
可虛負錄呈求教伏希介正

次副使同盧河韻

河從西北千山底兩岸招之有舟子長虹卧
波度行人之影紛之亂蜂蟻當前碧嶺高差
峨借問雲興隔幾里江山有待玉人過龍節
煌之照河水鼓角數聲波浪涌一雙鸕鶿忽
驚起

次正使郭山孝女韻

斯人已云逝遺跡寄煙蘿誠同日皎之名與
山峩之身是毋遺骸一指於吾何忘軀能報
親人紀從此扶勇烈有如此誰謂女非夫英
聲粲黃絹不獨數曹娥作詩潤色之天山今

又過短碣豎道左萬古長不磨却被採風謠
傳芳應更多

次副使郭山孝女韻

人同孝心天所性許國猶有不嘗藥彼微一
婦亦何知名與郭山俱崱兀當時斲指血淋
漓此心耿之終無歇從來至誠物亦動明神
不與人隔絕觀過知仁聖有訓割股失禮無
足說勿藥之藥自有喜吉凶何須待龜灼曹
娥千載可同流大書碑字龍騰躍皇華一顧
採民風萬古文章同海岳東方孝理著自占

况今 聖明調玉燭關雎首開風化原女子
有行男私淑願為緇縫獻 天子不有斯文

亦何求倘得諮詢徧東國豈唯郭山有遺蹟
次正使新安道中有石如人形韻

風介月芥天假成有石形於不可形蒼苔為
衣蘿作帶便有村巫來乞靈山下征途多軟
掌閱盡塵埃辛苦狀皇華戲語空是色不須
分別人與石

次副使新安館迎 詔張宴韻

休祥熊協夢大慶鳳頌綸夏后謳歌沸周邦

命脉新多男符善祝綿祿屬昌辰頌溢羣方
喜儀繁百禮陳潛淵龍矯之趨陛鷺振之共
覩星重耀從知帝有真需雲方需澤解雨亦
隨春專對紆 隆眷咨詢有偉人駮鸞仙駕
遠超海壯懷伸出塞軍容盛沿途物色續風
輕翻旆旄天霽息氛塵暫許開公館時從燕
上賓手儀瞻肅穆佳句襲清淳入室薰香臭
登門媿老身方言雖自異詩興不無神准擬
開懷久欣蒙贈語頻翻思成一別後會更無
因

次副使之意用董公安定館韻

侵晨發安輿過午風不定黃塵四面起白日
忽幽暝正苦翳玄花咫尺誰復省江山一百
里捲是煙中景林暄鳥弄音淺淺柳搖影煩
襟擬一滌滿梳須入餅時了覓新句願駟勞
脰脛良辰與樂事此地偶相併下里和雲琰
洪鍾揮寸楫若識不自量猶欲試毫穎縮手
合退休築壘本不整空軒愛閑眠脩路倦馳
騁念之已成灰恍然如夢醒

次副使觀射韻

箕城舊封古周侯雉堞縹緲繞江之陬城中猛
士雲為屯氣如快鷲翻鴻羣望羣此日始觀
德百中不數連四鍤三世柔度則釋鼓聲
打破雙鼉頭揖讓上下君子爭坐中誰最能
全籌當今文教覃四海免置干城皆勝流炬
文霸業只尚力屏翰勲庸良可收君不見隋
皇開邊意未已忍使百萬蒼生沉薩水邊頭
不救風馬牛愛民 天子保赤子

次正使平壤登眺韻

有美兩詩仙壯遊窮天壤探奇騁遐睇舒嘯

發清響間作采真遊頗恣心目賞只愛富觀
覽不敢勞鞅掌在處遇佳境令駕輒一往玉
節駐箕都孟夏景物爽山水竟秀麗淨粵無
塵攘城南百丈江拖浪搖画舫相期事幽討
時復驅車枉花欺錦袍鮮柳拂玳筵敞暖風
茁新卉好雨洗陳莽德崑崙而峙井田平且
廣敷衽謁文廟恍若登函丈練光俯文漪丹
棟光烟晃聯拳鷺立沙撥刺魚入網觴詠恣
酣暢蕭然散煩想風懷好翰寫俗謠勤採訪
容與澹忘歸返照沉波漾樓臺動綉彩物色

歸題榜詞源與江水浩汗爭雄長願我學捧
心刻畫難摸做空負清淨債默之生慨慷賴
有麩米春開笑成一餉樂事與意會襟懷覺清
朗蓬心久倚麻狂簡裁吾黨

次副使棘城古戰場韻

蒼涼野日照荒之行人舉目知戰場當年白
骨化京觀冤氣鬱結於焉藏啾之鬼哭晝或
聞夜之陰火寒無光云昔中原失撫馭元兵
十萬亂其行橫行不戢將自焚為生為死迷
去方奔崩到此勢自蹙雲屯鐵騎如堵墻長

平坑趙命已迫帳裏將軍初未詳譬如雨雪
見晁消一朝殲盡蒼山傍埋怨此地便終古
異域何人酌一觴恭聞昔世行仁義王師所
至迎壺漿時無疫癘民不夭和氣乃與祥風
翔嗚呼虞夏沒已久却為無辜還一愴文明
天子撫四海博施安民視如傷漸磨德教無
內外萬國兵革誰相戍皇華此日一吊古悲
風颯之歌聲長

次正使洞仙館韻

嚴程初啓東風起一別燕京四千里共道前

星光照地鳳嚙 仙詔封泥紫青春得意回
 壯疾玉簫晴吹無紫螺東方三月芳菲盛紫
 燕初舞鸞初歌叨承一顧江上亭烹茶石鼎
 牽高髻自慙汗溝映清流從此華筵接仙袂
 金樽綠酒洞仙館海邦春味無蘭芽珠璣咳
 唾聽下風筆底飛絮隨落花殷勤昌酬忝已
 甚不鄙邀方牛馬走風騷壇上得指南始信
 迷心還易腐論文何敢托知己自幸天仙不
 阻誠微言一聽妙百中使人又願求失正海
 隅小儒那得此 鴻恩私荷隨 明勅從今

不願萬戶侯四海荊州欣一識人間聚散真
 須臾轉頭光陰催屈伸他年玉堂與青瑣倘
 記仙蹤隨侍人

次副使冒雨至劍水館韻

雙劍落延津何年來此水地名托神物之貴
 地亦貴拂鬱斗間氣不復匣中墜白日雷雨
 起乾坤變幽昧凡物各有遇相感即以類安
 得奉君子用為治世瑞誅妖又斬佞捲盡浮
 雲晦使節偶過此默與意相會掘地如有得
 儻可充雜佩行之夜昏黑前山泣魑魅

次副使曉發龍泉韻

夜來雨新霽曉之鳴流泉熹微曙光浮壠頭
 猶沉煙嚴程王事急不知鞍馬疲春光曾
 瞥眼海月今幾虧銜泥度嶺路踏石行澗涓
 宮錦照花樹風旗搖柳堤充飢餐紫霞繼佩
 折瓊枝才精百鍊鋼量深千頃波一曲和者
 窻我洋誰得知瓊玖忽滿手讀之不停披老
 我敢效顰雕賢羞退之空將鴛蹇資敢與天
 驥馳猶幸得附尾相追能幾時

次正使雨後遊慈秀山韻

浮生役々黃塵裏萬事令人催早起將身一
 縛名利韁多少馳驅竟青紫溪山寂寥誰得
 遊慈翠雙峯空對峙皇華到此惜淹留山下
 芳程忘迤邐崑崙春後尚餘紅一帶溪流清
 瀟灑光陰冉冉不曾留逝者如斯宜視水况
 是清和天氣佳雲幕行厨集千指眼中景物
 爭效技紅紛綠駭風前靡偷得一閑胡不飲
 聖賢未免為嗚矢黃犬牽來走驚鹿蒼鷹擊
 處落雄雉少年舊興忽搖臂却憶家山心未
 已昔賢曾此留綺語龜趺屹立山之址千年

勝跡去後思峻岳高名同不毀

次副使遊慈秀山韻

峻嶺高入層霄裏勢若天矯雙龍起雨洗鴉
鬢黛色青霞蒸赤城煙光紫峩々翠屏亘其
西儼如冠劍屹相峙蒼藤翠木翳日月洞壑
窈窕爭迤邐流泉激石碎玦環跳波下瀨流
彌々天上游仙偶過此驚見宮袍照綠水觀
魚縱獵供一咲盡取奇觀歸點指山鳴谷應
萬夫叫眼着草木從風靡飛走無路呀且號洞
腋牙塵磴一矢蒼鷹老拳亦一試脫鞵頌使

掣錦雉燎毛擊鮮最可樂置酒傳觴歡未已
茲遊奇絕繼前蹤昔人行樂有遺址好將椽
筆寫新篇名與此山俱不毀

次正使寶山館韻

金多出麗水銅又生蜀山此地有何寶名字
托孱顏山勢偶穹窿尋常一土塿藟匍煙雲
氣其中即無有一自寶為名俚俗謾紛糾千
載眩名實至理誰細剖愚溪本非愚酒泉寧
有酒無情了不知欺誣在人口珍重皇華詩
垂示良不朽

次副使吾助川韻

青山影蘸川水綠川水悠々轉山曲長途倦
客眼忽明汀州溪谷散朝旭朱欄板橋截清
流落紅繽紛橫渡舟囊中賴有舊詩筆欲把
煙光描寫出真源悵望未可窮佳處便擬留
石室聞道三山尖六龍渤海浩淼多風濤那
知昔日遊仙處金銀宮闕生蓬蒿吾助川漱
崑底煙波彷彿樵源水定有幽人卧不起

次正使東坡館韻

解衣服忽朋夷坡名小館平臨野三面斜倚

山一半東韓西蜀地相隔誰將華扁追逸跡
兩仙才調駕坡老從此江山還潤色古今雖
殊氣味通金蓮賜炬恩眷同燄光萬丈草木
驚卓犖儷美文忠公誰道他鄉各異縣大雅
風人今又見 皇家文軌混四海不間要荒
與圻甸清塵日之幸從之不惜解我平生疑

次副使至漢城禮成志喜韻

重明繼照進亨衢廣運如天覆德宇萬國歸
心屬一家率濱何地非王土餘輝先及日出
邦遠人爭快披雲覩謳歌大慶仰夏啓對揚

鴻休拜周虎 天書五色金花 詔共沐
皇恩隨解雨 康莊蹈舞竟驩呼 四月天氣同
和煦 翩之雙鳳下 東方文蹴歐韓筆 鍾王自
咲薰葭倚美玉 淺學難覩曹劉壻 謗將孤陋
荷包荒曲中 幽眇誰張皇

次副使太平歌韻

登高館登高樓 漢城佳麗是 玉州霧閣雲
窓清且幽 平之俯周道 處之生瑤草 前峯與
後嶺 琬琰上千仞 生祥降瑞氣 蕊之五雲常
繞蓬萊宮 風流文物自 皇朝滿街玉珂搖

玲瓏城中百萬家 甲第連甍起 喧闐鼓吹窮
朝晡 珠簾高捲飄羅綺 登高樓 登高館 朱欄
縹緲清塵斷 回廊列楹 同珠貫 銀屏繡戶次
第開 簾外落花飛 撩亂天上真仙宮 錦袍從
來未厭樓 居高夢裏華胥千氣象 覺時分明
揮教毫小 秦晉隘齊梁 旗亭煙火何茫茫 鷄
鳴狗吠達四方 和氣游祥風 翔 大明天子
開明堂 千官玉佩聲鏘之 調雨暘 燮炎涼 東
海無波今百年 感戴 皇恩補壽觴 賀昇平
頌昇平 日月光華星文粲 綸音到處爭懽迎

醺酣更唱太平曲枯草同霑雨露榮君不見
干戈昔日風雨未肯晴洪濤殷地天柱傾願
歌此曲俾勿壞萬世千秋拱玉京

次玉樓春韻

來時浦柳未吹絮歸日山花皆落去眼前人
事却多違黯黯離愁天易暮 逐婦鳩鳴初
霽雨薊門迢迢迷煙樹分明他日寄相思水
碧山青相送處

次正使同盧河韻

一水鴻濛清徹底激激濃沫如西子天晴石

見魚可數游鱗激激多於蟻長橋卧波餘百
尺遠泓抱村知幾里便覺蕭然絕塵想濯纓
不用滄浪水臨流賦詩亦一快使我湛然心
不起

次副使太平館六十韻

皇家眷命應玄穹一統車書萬里通黷武勤
兵卑漢帝崇文敷化軼唐宗百年禮樂三光
靜四海梯航九譯重濟濟虞韶儀彩鳳恢之
周獵得真熊京分南北邦基壯山控東西地
勢雄玉帛篚筐歸禹貢關河版籍入堯封

仁蘇枯朽施甘露德照昏衢駕燭龍麟趾休
祥孚繞電燕謀嘉瑞協流虹盤根仙李新綿
柞奕葉倚蘭更樹功慶衍誕彌開甲觀歌豈
重潤勒洪鍾欣逢解救雷初作正值離明日
再中震器有歸崇典冊渙音方播舞臣工生
成化與陽和暢曠蕩 恩薰淑氣冲萬彙涵
濡忻有象羣生蹈抃樂無窮星軺整駐儀容
肅 鳳綽新領惠渥隆漠北擡頭者細札山
東扶杖起羸瘵爭聞鼙鼓傳三夜共喜狼烽
熄四衝和氣蒸薰呈瑞應妖氛消散絕灾凶

刺將宇宙歸昭泰更荷雲龍屬會同彩霞謂蕊
穠籠萬戶祥煙斐亶繞千峯風搖路柳添娟
態露灑階蓂逞麗容造化無私均發育物生隨
分自青紅耕桑樂業知民阜藁秸堆塲驗歲
豐佳節清和饒樂事勝區方丈有仙蹤舊惹
禾稼村々雨隱約簾幃院々風綠樹曉鸞晴
峴皖碧窓朝霧晚朦朧殘霞襯岫舒頰絮細
草鋪郊簇綠茸任愛正宜開几席壯心尤自
在桑蓬時翰景物供揮翰好把乾坤入倚筇
身遠寅賓賜谷日夢勞趨走 紫宸宮尋山

凌頂期幽討問水窮源任邈從清賞堪同食
沈瀟竒遊不必訪崆峒初看客院新松蓋應
長家山舊桂叢高閣望時詩思湧短簷幽處
鳥聲慵凝香燕寢圍霞帔織翠華裾纈霧絨
琥珀酒光浮醖罈琅玕竹影映房櫳涼生枕
簾園林僻暖透觚稜殿宇崇異卉奇花香泛
之清歌急管樂融之黃梅欲熟初經雨翠檢
長寒以傲冬晴旭弄輝翻大旆綵棚呈戲走
羣童聯翩俊又才堪用磅礴山河秀可鍾鵠
立階除諸扈從駿奔籩豆幾夫傭須知薄海

霑聲教自是推恩遍夏戎喜觀雅儀森玉樹
驚聞妙語選青銅承 綸春向鴻儒重專對
才宜遠使充季札從知能採樂焚犀堪咲學
為農閑情有似翩之鶴高意真如的之鴻南
徙已者風在下東征誰嘆雨其濛馳心鳴劍
伊吾北得意揚鑣瀚海不準擬乘楂超汗漫
那嫌叱馭度龍峽蓬壺不隔三千界雲夢曾
吞八九胸動業定追周十胤風流應倒晉諸
公陽春有脚情懷暖滄海無津字量洪潛化
芝蘭通氣真每承談話啓昏聾叨逢伯樂慚

鷲馬幸遇中郎擬爨桐管豹未能窺炳蔚井
天邦得識穹窿交情儘許全心斷歸思休催
粥面濃還媿寸窮詩律短翻憂日落酒杯空
吟時祇益丹心苦醉裏都忘白髮鬆惆悵江
頭今首後風儀何處接雍之

次副使石將軍歌韻

西行路向東坡館峻岳嶠峯林麓斷巍然竒
峭石將軍創自玄黃初剖判當時天匠揮月
斧屹峙百丈層崖畔茫茫不記年默之依山
前冠劍我之鎮東陞歲久尚帶藤蘿懸區之

據蜀咲公孫不戰自懾天驕魂頑骨不隨磨
洗變山風夜雨徒紛之千霜百霆曾不動一
髮偃蹇不怕崑岡焚吾聞呂蔡本無策虛築
長城防胡狄亦有漢皇恣窮黷飛鳥輓粟民
不息兵交原野積屍滿腥染河潼流血赤沙
場暴露萬骨枯忍使無辜罹鋒鏑驕將貪功
竟陷危未免殖醢真可惜豈如將軍逃名在
海邦凜之風稜無與敵緘口何曾有起羞世晏
不見干戈憂烟之元精貫斗牛神光夜發魑
魅愁壯氣真歷百萬軍鶴咲風聲那得聞山

靈扶擁鬼訶護萬古鎖鑰雄西門永絕侯戎
獬豸與突厥始知不怒威鈇鉞終教鍊成五
色可補天不復憂崩有祀國天仙醉墨妙傳
文章印摹寫奇狀恢餘刃題詩擲地振金聲
胸蟠秦華高千仞

次正使龍泉館韻

小野隔墉頭賓館傍溪口霽景媚平陸宿霧
寒高曠嶺路度塵鞵項地名山光迎馬首炎塵忽
着人曹騰如中酒譁之徒卒喧急之駟騎走
川原少平坦咫尺多培塿唾珠每眩眼駭汗

還縮手唯須丐贖馥且復湔塵垢看來喜彈
丸報之愧非玖夜窈困眩曉氣清射肘

次正使黃州道中望海韻

山窮野豁天低樹湛碧海生煙霧望洋忽
起河伯嘆秋水覺似潢潦注驚波不揚纖纈
息豐隆敢與天吳妬曾聞杜子說方丈此間
定有羣仙住白首黃塵未拂衣桑田乍鹵眞
朝暮蟠桃一熟三千年擬把長繩繫烏兔天
仙咲留一轉語筆勢遠與潮爭怒長風颯之
鬢颯颯落日半竿雲吞吐

次副使黃州道中觀海韻

我欲手折蟠桃樹，渺漭鯨波隔雲霧。我欲坐看桑田變，混漭百川爭奔注。年來課筭坐澗落，始信造物多猜妬。但見朝暮日出入如許，流年那可佳。幸陪天仙騁，遐眇不覺孤島斜。陽暮醉裏翻思斬巨鼈，興來一揮禿兔不周燃。犀窮物怪天吳驚，走海若怒玄虛巨筆如長杠。海天萬里虹霓吐。

次正使平壤觀射韻

觀德要須明，以侯畫布棲皮傍。城陬洗武

士氣如虹奮臂爭，能絡希韝揮弓毛羽落。虛弦省括還教鈞四鏃，百中終日不出正軍前。可集克汗頭，今曹決勝自閑暇。相與揖讓傳觥，籌客裏堪供一咲樂。不覺白日從西流，一視應知無彼此。才藝片善期必收，終當平虜捍邊鄙。不教飲馬長江水，屏衛皇家作干城。永絕拔旌天驕子。

次正使宿安守館韻

行之路不窮，漾漾心無定。困來投小館，前山已迎暝。村市暗戎色，渾不省猶疑輞川。

圖更訝壺中景風枝動插禽月林散清影杯
浮竹葉酒盤釘槐芽餅邦人敬迓客引望鵝
伸頸自愧薄劣資獲與仙遊併詩壇掃千軍
安用刃與挺紙襲蘭室薰孰犯詞鋒頰轉頭
猶苦吟冠側懶復整但喜附驥尾不敢憚馳
騁掩燈耿不眠塵骨洗然醒

次正使蝶戀花韻

蕭寧道中和
雲商惜春詞

錦繡山前逢細雨送客黃鸝似訴風光暮白
馬翻之歸底處驕嘶緩踏垂楊路籬外幽
花含夕露粉蝶飛來翅濕多情緒姪姘何人

門裏話去年崔子今歸去

殘醉厭之成小夢胡蝶翩翩之飛繞閑花弄覺
後無端愁思重忽之却把年光送又是暮
春天氣朗楊柳吹綿黃鳥交相哢欲寄深情
誰與控舊薇老映風簾動

次憶王孫韻

蘭湯浴罷把清風彩鳳祥麟耀海東天上
金花雨露濃送歸鴻回首燕山瑞靄中

次菩薩蠻韻

誰知別後寬圍帶客行盡日雲山外下馬坐

芳洲濃陰蔽翠樓 驅車花落曉景勝吟囊
小為報惜春人韶華易損神

次謁金門韻

情索寞相送江南江北別後相思書不得為
君含苦藥 鴈斷魚沉消息雨散雲飛旌節
歸去玉京朝紫陌倘記離顏色

次正使西門嶺行韻

石嶺我之劍戟攢逶迤緣路如蛇盤天上神
仙遠來過旌旗隱之飛林端僕夫喘息馬蹙墮
初從平陸登層巒洞窈窕窳窳蔓合時聞松

籟和鳴滿到河 上望 瓠海之波浩渺連三

山溪范山 衣暖 晴日多 好顏 皇

息汪濊需 不 與南 躬 何况吾邦

圃同仁向來未有落難

次正使堂於嶺行韻

石巖崱樹植牙奔泉激之清見沙憑危望遠
瞻氣龕袖裏三尺蟠青蛇旌角掩翳林木杪
逕轉路折行人少深山有時聞磔之分明一
聲江南鳥堂於嶺之頭行歸心正逐風中旋
鴨水鷓峯者漸迫別袖明朝之沾濕我僕已

痛君馬黃面頰却望愁羊腸

次正使百祥樓觀射韻

天外斜陽映江樓村宮氣如鷹脫鞞張侯較
藝弓力勁飛箭疾於星天流青山殷之雷鼓
動決勝終教連百中從之整暇賈餘勇萬鈞
強弩時自控折衝樽俎集集良宋朝無敵羞
稱揚山東狗鼠百年靜狐兔亦失三窟藏從
知屈人在不戰偃戈遺風今得見漢壘塵清
刀斗息誰肯更虞蕭牆變終須捍輶作屏翰
天子之邦期永敷

企齋集卷之十一

企齋集卷之十二

皇華集

嘉靖乙巳夏 中宗大王 賜諡 贈祭天使行人司行人 張承憲之

來公為速接 使酬唱之作

蒙示奉挽 大行王慰 寡嗣王二篇

非下臣所敢承 祗增摧隕而已 諭祭

禮成紀事十四韻 奉以展讀情文俱至

雖在疚棘之中 不敢無辭以答盛意用

綴荒語伏希所正

遭逢千載會玉帛萬邦先 恩顧便蕃日虔

恭四十年文星頻委彩華蓋遠相聯共戴

堯天大方勤 魏闕懸秋微 纏海角哀訃 徹
旒前 錫命金花爛 承綸四牡廟 維憂仍大
慶 何力報 皇天渙矣 息波濶 屯如國步
遘 明裡成 茲祀 隆眷劃 昭宣俎豆 靈
光荅 周旋禮意 全祚延 新服遠 哀迫老臣 偏
未有身 裨國空 餘淚徹 泉 祗應添 白髮 何意
和佳篇 願以餘 生日長 瞻 北斗邊

次太平館

玉世子遣議政以下七君

子陪宴韻

覺薰人禮重 傾三接 筵高薦 八珍衣冠成一
會四海圓 王春

次宴慶會樓韻

地禁稀 通籍樓高正 近霄砌 花悲榻 廢宮柳
悵 鸞嬌和淚 稱金學 何心奏 玉簫露 傾荷蓋
瀉香動 獸爐消 入座臣多世 成園木有喬
北辰終不改 東海肯生潮 合有蓬萊使 宜留
慶會宵 酬詩稽白首 瞻望 五雲遙
瑤池溶漾 匝高臺 清切都無一點埃 蓬島已
迷青鳥去 玉闌曾見翠 裘來賓 筵敢以多憂

廢禮意聊憑好會開
白髮老臣猶未死雲間
還得接行杯

次大平館大平歌韻

大平館大平樓翼之東韓四石州重闌十二
仙居幽上通安虛道旁生不死草雲窓齊峻
嶺去塵知幾何琪花瓊樹雜菁葱璧房瑤殿
連珠宮自非天人孰可容想聽瑤佩聲瓏之
玉籠睡鸚鵡清晝忽驚起急傳仙馭下天衢
絳節雲幢擁霞綺大平樓大平館 帝愁三
山音信斷復有玉籍名亦貫便蕃許賜金花

詔絲段文錦光相亂箇中誰是看宮袍地位
分明清且高人間瞻仰隔風雨瑞世五色真
鳳毛開繡戶倚雕梁落花飛絮春茫之雲篆
天書散一方御氣游騷鸞翔不今凡骨伴正
堂夢中仙語聽琅鐙玉座婁寶扇涼東海波
寒青鳥飛蓬萊深處 帝今觴繼大平述大
平五雲樓觀更崢嶸自 天新命杖扶迎能
成王道終無感 霽澤潭恩盡哀榮君不見
扶桑瑞旭騰上曉正晴下土葵心能自傾由
來物性固如此何況東人向 帝京

次端午日小作五首韻

今日端陽暗自驚，白頭誰識老臣情。蒲觴獻

壽年之事已罷 橋山羽衛兵

題濕宮衣降自天，迎陽門裏憶前年。西山此

日腸堪斷，誰送蒲香到酒邊。大行王瑩域在 西山去鐘未十

甲

丹詔頒來禮已成，無端歸意客中生。還將麗藻酬佳節，始覺隋珠夜亦明。

新愁舊恨苦相纏，客裏逢辰是別筵。千里歸

驂留不得更酬知，已在何年。

客路逢端午，歸心憶帝鄉。樽盈今日酒，蒲

帶舊時芳。佳會人俱勝，清歡夜且良。只憑詩

達意，還愧語音妨。

方在夜中稍無吟思，蒙示華什，不敢

不答，且語音不同，所可同者，只在文

詞聊以達意而已。

次書東坡館壁韻

同名若責實，館壁何以開。散為百東坡，無乃一者來。既被名所累，留詠亦多哉。虛名竟成美，或恐造物猜。

次高麗王故宮韻

運去難容挽天心自可尋山河新版籍禾黍
舊園林往事留樵話荒城動客吟神嵩玉氣
盡松老暮雲深

神嵩山名即麗相
康忠種松處

次後視館過張吳二使韻

每承獎諭益知不堪四絕詞逾高而
意益新非老拙所敢仰和聊以不負
答述之意云

平生杜老要人驚用盡詞中抵死情容易數
篇還醒倒騷壇無復有強兵

松江南望水如天遠別高堂鶴髮年夢裏寺

觴酬令節覺來身在海東邊

天上乘槎宦亦成當時清望屬蒼生並亭萬

里門間思應在遭逢佐 聖明

欲別心知恨已纏鴨江無幾作離筵分明一

泓淵源學那得重論未死年

次金郊館韻

郵亭傍古郊官路海山交壞壁蝸行字空梁
燕有巢菜盤供野鼈厨味薦山麇更試人間
夢分明呂枕切

寶唾映金郊珊瑚玉樹交還驚荆棘裏得見
鳳鸞巢問俗庭無訟觀風野有麀居夷曾不
陋東海豈杯坳

次興義館韻

長途倦客方思睡深樹嬌鶯故送聲仍倚小
闌閑眺望一村煙雨映柴荆
華館前頭更等臺不教車馬踏蒼苔尋常莫
作郵亭看留待皇華 詔使來
挾路棄麻過雨痕人間老犬睡花村從知天
下都無事不用重城早閉門

次慈秀山陳魚留韻

山竒水亦秀爲坐仍蔭柳相逢四海知肯挾
貴賤友溪人強解事故遣魚在留何圖天上
仙酌此蒼浪叟離合苦靡常萬事無不有他
年憶茲遊如散夢中酒

往月兩大人整坐川傍欲觀魚以
國恤辭歸路州官強欲解事於川傍
陳編箔畜魚數隊所缺者猶不得張
網設戲以娛行路爾

次洞仙館韻

青山鳳舞海西邊騎鳳相傳過海仙欲駐朱
顏無大藥誰逢綠髮問長年平生狂自趁塵
界此日真成入洞天禦寇車真如借取同遊
汗漫馭冷然

次館下望廣遠樓韻

昨日病暈不得參宴猶未加罪示以
佳什禮意之厚何以得此敢和高韻
以寓謝情云

衰年病暈怯經丘簇錦江船泊晚洲高會未
妨無此老大杯那得免先浮華篇更許傳青

烏仙語時聞下翠樓好事向來還有障白頭
誰忍負茲遊

次謁箕子廟韻

明夷為易範為書誰指三仁更及予命自靡
常嗟已矣道堪相授敢箴諸今來古廟存瞻
想絕勝陳編謾卷舒東土只今猶祀事儒仙
千載為躡躅

次謁箕子墓韻

天命吾無柰殷宗喪本支未應思授脛非故
欲居夷自靖知能獻先王恐不貲應難堪集

兼誰復悶遭時古墓今荒矣何人更取斯石
麟苔剥落山鳥響參差獨有深仁在東人永
繹思

平壤勝蹟十六詠次韻

德巖

神人昔驅此幾時到海東未作跨蓬島猶存
殺水刃

酒巖

物為氣所寓理即無不有誰知此巖中尚貯
玄古酒

白銀灘

泉豈解貪寶灘應色取銀目名若求寶欲海
更無津

錦繡山

春山似楚壁隨風飄錦繡欲鑑敗由奢故教
月如晝

乙密臺

仙遊遠乙密仙界作蓬萊擬把蓬萊地還看
乙密來

牡丹峯

如看花十丈遠勝青下朶下有綾羅島還宜
着綵舸

浮碧樓

樓為岳陽樓水是洞庭水但無杜子舟浮此
乾坤裏

練光亭

開軒目眩轉練色明長川不知我在亭翻疑
身上仙

井田遺制

秦氏廢井封民墮膏火中誰知海隅地還有

古遺風

朝天石

人去石不轉至今留良背朝天亦超忽千載
悲墜佩

風月樓

風清境界淨月明河漢淺自無楚王夢朝雲
巖翠巘

麒麟窟

江上生祥地今成寂寞濱常憐鳳不至那復
嘆傷麟

綾羅島

鮫人勤織事半夜潛出水欲晒曉正晴滿島成羅綺

快哉亭

江山雙擅勝天地一高亭誰留萬里眼共我此時清

大同江

滄天同水遠色連海碧方丈定何在雲帆欲乘波

抱瀨樓

軒高憑積翠窓迥納空瀨回眸送百川屈指記三島

次百祥樓祖宴值雨賦別韻

相携仙侶上高樓落日緇簾未放鈎側席清談拚好會滿江寒雨動離愁鵬程正向雲霄迥藥物唯宜老病求生別更知逾死別不禁清淚隨江頭

次渡博川清川二江韻

姑蘇城外泊孤舫落日寒山帶翠煙遼海只今生遠思吳江何用有愁眠

吳江客船亦有對愁眠之句

即知作客懷吾土始信歸魚樂故川情在五
雲應已切鄉心還到五雲邊

次控江亭韻

誰破神壘劍控江百年形勝華雲窓煙消古
塞遙今岳濤蹴寒磯遠有涼共說使星來
北極大書華扁耀東邦風流更被天仙款詩
墨降幡欲束柱

次齊山亭韻

亂山環作郡高榭欲飛疊地僻天留勝風清
暑解園能令羈思散更覺宦情微囊有丹砂

訣山餘白石扉偷閑如展步端欲挾仙飛

次納清亭韻

松蒼柳綠映孤亭石底泓澄一水停啼鳥盡
情如自慰閑花多事為誰馨塵間有累頭渾
白世外無心山更青共說玉人留賞處明珠
時復得沙汀

次郭山孝女墓韻

生在閨門膝未離髫年應亦異貞姿千金秘
藥人誰識一寸明誠爾自知毋病瘵來無妄
喜君恩隨處有芳遺青山碧草埋殘碣能

使皇華更起思

次義順館韻

心經東注淚成川
眼入遼雲路杳然
北極已傳皇矣詔
西關來待使乎賢
龍亭鼓吹回春色
鶴野旌旗拂曙煙
共說掛星留賞處
朱軒先啟鴨江前

次渡鴨綠江韻

區域雖分性命同
此心明處一靈通
知行有缺關難透
寂感無方鑑自空
孤陋未成陳北學
白頭能賁舜南風
如今幸被文星照
自賀

親逢道在東

次車輦館夜宴韻

山高迎使節
樹老識仙過
館前有老松
蟠屈
不詔使無寓詠燭影風搖轉
簷花雨送多
相逢成小酌
一話代高歌
異日追歡處
清詩照不磨

次林畔館喜晴韻

雲林初霽雨
物色媚芳鮮
窓納山擎日
簾虛水泛天
清高瞻玉節
蕭颯嘆華顛
意氣如相許
何妨席近前

次雲興館韻

渙澤仍成雨露 恩故作雲金花泥帶紫瑞
節錦生紋山館空留詠天葩可挹芬偏邦何
得此深荷 聖明君

次新安館韻

旅館飛 燕傍簷謂誰為主喚呢喃空憐海
嶠遮千疊未見家書達一函無限客心寬但
幾回高節望巖 蒲殘險語還驚膽讀罷
令人汗透衫

次安興館韻

江上逢知要盡歡水紋青簾淨琅玕盈罇美

酒香猶馥蒲幅清詩韻更寒淚眼便應和霽
澤棘人聊此掇憂端誰知是日題名處星斗
他年異氣干

次百祥樓韻

安州千古地勝跡百祥樓歲月空傷老江湖
未討幽香山愁裏色薩水淚邊流磬徹煙霞
寺芳深杜若洲幾年留宿債今日辦茲遊百
感登來散千窮坐可收悠悠多古思歷歷幾
經秋矯翼飛簷鳳蟠枝卧樹虬大平看治象
往事屬沙鷗陳跡隋唐遠漂萍世界浮風波

結雙纜旌節擁方舟白髮身迎 詔晴光滌
滿眸心傷逢 國厄慶重演鴻休運值千年
聖天垂十二旒不緣能恤小誰復悶纏憂為
盡陪高賞先懷惜別愁天空懸兔魄江淨露
龜疇徙倚詩堪就周爰俗可評遙聞選賓客
方待舊應劉轉作憐風燭漂看咲海漚千秋
留寶唾一字換金鈎指點曾題壁宜為景上
頭

次大同館韻

大同華扁重生華四海推恩只在家王道未

應今彼此人心元自遍河沙唯將博施要先
施莫以無涯限有涯蕩之平之今復見天人
來賞大同花

次曉發大同江韻

夜宿大同館曉擊浪江楫重霧尚濛濛稀星
乍明滅清螺四五動羽儀東南列樓船截碧
流錦纜千夫曳嚴程負勝賞佳處心有曠人
惟百年內此身輕似葉羈宦苦蒙塵遠遊徒
自切平生殷大夫萬里無惜別亦有蘇內翰
南遊賦奇絕况茲乘槎仙興與清景愜獨愛

蒼筤封山水未曾閱洪疇庶得訪廟貌還可
謂匆匆計未成過眼真一瞥我時陪杖屨傍
觀亦鬱結歸期天不阻茲詩應已決

次生陽館韻

山形隨紀盡東來賓館憑高戶牖開妙句更
看留玉訣仙雲應為護瓊臺茶煎方丈真三
桮魚薦松江大桐一亦四腮風物足稽天
下士不妨移席坐蒼苔

次曉發大同江韻

山樓無復隱悲笳簇錦溪明映紫霞官柳暗

邊工敵路野乘陰裏盡藏家應知到處鐘皆
酌莫問何村酒可賒歸作中和獻 天子北
山寧賦獨賢嗟

次遊葱秀山韻

行窮原隰似峽裏峭壁攢巖相對起千岳紅
綠散如綺返照斜澗煙半紫紛々今古經過
者著眼何人愛奇峙當年天上董詩仙貪觀
雲屏開透灑差然不覺客行遲盡日河邊臨
瀕々牢籠物色入龜趺往事不許隨逝水尋
聲覓句繼者誰前龔後華同一拍鏘然幽竇

響宮徵山下石竇中有鳴泉如水樂共愛此樂非靡之張
仙自是棄植後定與湖山成永矢登臨佳處
意有會孤雛凌晨同澤雉遺璣隨珩雜瑟之
收拾盈囊吾得已蕊秀增高翠屏長更托貞
珉留峻址東人世之服香名此名盡時山亦
毀

次遊蕊秀山韻

川源古竇西詣絕使人迷石老峯巒急雲叅
樹木齋徒然看面目誰復問高低賴有皇華
使留傳試品題

次開城府太平館韻

紅粉池蒲學拍尖青娥宮柳帶腰纖繁華古
國空餘恨雲物當年尚忍瞻野外即誇耕有
栗城中誰嘆食無鹽民生未識皇恩博只
道如今長吏廩

奉別華亭副使大人

光漢祖父叔舟於景泰年初以館伴
陪侍錢塘倪學士祖父善華語每與
倪公從容開抱倪公許以外國友與
之通信終其世不絕云倪公嘗撰遺

海編祖父名姓亦與存焉光漢鄙人
也望祖正所謂蟻肆而猶得與華亭
學士作伴亦已甚矣於其還也以久
侍之今身留別語盛引先祖父受知
水倪公褒及下賤所不敢承當非半
襲珠璣以爲子孫寶歸即示諸宗黨
訖及朝中縉紳榮莫甚焉賜莫大焉
不敢無醉仰答厚惠謹賦七言長律
三首以達下情且寓別後無窮之思
云

吾祖叔舟字泛翁曾從館伴侍倪公文華已
入編遼海道德終歸勒鼎鍾先代縱能基緒
業後孫那得繼家風叨將駑質成龍日一顧
堪驚冀北空

華亭山水擅江東天篤張家德業隆黃石橋
邊能隱忍賀循船裏且從容尊鱸秋興非全
敗帷幄奇功未盡逢丈夫出處關輕重平世
經綸要在中

傾蓋相逢鴨水濱鳳章龍節照青春崑山片
玉非三別淮海揚州

崑山在華亭
存存隸揚州是一人目

擊便成青眼舊心知寧似白頭新秋鴻在燕
難謀久欲賦緇衣浹蒲巾

企齋集卷之十二

企齋集卷之十三

祭卒靈城府院君申公文

國王遣禮官諭祭于卒靈城府院君申公惟
靈之鄉有山草枯秀鍾三朝宿德一代儒
宗有蘊其中有發其藻玉佩錡之河源浩々
辭命往來唱酬交相禮義吾邦於焉有光曩
扭久安廷猷無遠有年有紀鄰邦構怨先知
獨見唯一老成逮今遭變深服其明期仗元
龜稽卜決疑天何奪速不我昔遺耆年憂國
氣力雖衰豈期一疾遽至於斯未及留草遺

諫以惠就第之問 予亦不建死生之憾於
焉曷極念及山河悲深喬木遣官斟酌雖云
誓式 予情非淺不昧攸識

維年月日表姪禮曹叅判趙彥秀知敦寧府
事趙士秀等敬祭于率靈城府院君申公之
靈乾坤委精正氣緼網孕靈發祥篤生碩人
卓犖高標德華一身夙抱異蘊晚造大醇奮
迅明廷世掌絲綸久侍 帷幄補 袞日新
亦或在外物化如春霜凝諫草蹇謬必陳銜
平藻鑑簡擢自甄關幹奎機揭光摺紳身佩

安危國有老臣公存而昌公去斯頰人之所
憾未轉皂輪名高箕斗績煥麒麟羽翼斯道
巨筆如神奇文峻律在古少鄰此雖餘緒後
者可珍云何一朝降喪自是寧不愍遺哲人
其寔 上心震悼如失和鈞士林憔悴如喪
仁親姪等在門在斐受學彬々恩隆義至第
盡悲辛魂兮來寧恭奠微禋

維年月日讀書堂金弘度金貴榮尹毅中柳
順善朴啓賢金繼輝洪天民朴淳姜克誠等
敬祭于靈城府院君申公之靈系出高靈詩

禮傳家及公之身承受益多早擢蓮榜聲聞
始華折桂丹霄雲路正賒奕々世臣邦家之
楨青錢選重文石班清承綸惟允袖諫風生
嫉世之昏期挽頽風激仰清議與群賢同果
觸時禁一網打空養散立園十有八春杖屨
間々魚鳥相親逍遙自適若將終身茲詘朝
清再起舊人重入紫清鬢雪驚新迺展履步
屈而又伸載長國子秉禮春官式和神入表
率衣冠徘徊樞輔翺翔六卿名位漸隆優游
大平 聖上初服屬時艱難元老構亂國步

靡安公能協贊克衛宗社遺像堂々
鳴圖委任老成貳公弘化爰典文衡蔚興大
雅從心致仕思閑綠野鳥几鳩杖 玉錫之
留扶而上殿贊襄嘉猷蒼顏白髮氣力猶壯
倚昇方深台躔屬望何期積痼一卧經年二
崇妖纏仁壽難延不憚一老殄瘁之時將喪
斯文後生何為一哭吞聲慟極公私等夙荷
作成晚趨下塵永隔音容展謁無目致莫菲
薄詎盡哀忱英靈不泯庶幾來歆
維年月日門人僉正金彌性敬祭于率靈城

府院君申公之靈箕之降說嶽之生申經綸
之手 社稷之臣篤信為主孝友無比獨詣
心學淵源有自參乎忠恕孟氏浩然發為文
章自言以宣無內無外彌綸天地賦物興懷
包括衆理詞倒三峽筆掃千軍萬丈光燭獨
擅斯文思入萬變無非風雅道繼程朱德配
韓馬居洛幾年八思如父今日歸朝經綸之
舊山河八誓麒麟有閣信如莖龜方倚柱石
天奪一老百身難贖顧余魯莽托婚門族十
年從學長途未半失步邯鄲匍匐乃返一種

私恩白首何忘猶父猶子此別茫茫歸葬無
典反繁誰許縻于薄宦去就難處寸心如割
措身無所公靈在右余哀非佞物雖菲薄敢
薦誠敬

挽章

文章亦餘事人物昔賢儔世仰靈霖澤天催
記玉樓駱峯春自媚麟閣画空留不廢長江
在聲名共一流

議故府左議攸尚震

家世芳聲遠芝蘭奕葉猗文傳吏部健詩擅

杜陵竒桂殿花初折鵬程翼政披翱翔奎壁
府游泳鳳凰池謀議參廊廟功勲勒鼎彝官
高常戰懼德鉅愈謙卑未盡經綸業何催殄
瘁詩邀齡踰七凜餘慶秀雙芝梁木那堪慟
材春豈忍悲含情空賦挽哭不為吾私

議政府右贊成李俊慶

弱齡朋好幾人存又復心凶哭寢門耆舊祗
今無質証文章從古少淵源儀朝偉器須山
立餘事雄詞若水翻未正台衡淹散秩還騎
箕尾返真元翰垣嗣職慚才退學海窺深望

道尊那更追陪尋水石駱峯牢落巖空園

判中樞府事鄭士龍

事業銘彝鼎文章薄斗牛道敦扶世教德厚
頌時流無復典刑在空悲蟬蛻留平生羊季
子不悉過西州

知敦寧府事趙士秀

星嶽千年降文忠幾葉孫學尋前聖統詩入
盛唐門廊廟凌煙閣溪山獨樂園一身明進
退青史炳然存
天柱歌頌日邦家殄瘁時典刑無耆老風範

有佳兒答竹春空長岳泉細自垂沉病不得
哭張望若為思

同知中樞府事鄭惟吉

斯文未喪尚斯人餘事詞華亦絕倫麟閣有
圖留偉蹟廟廊虛位屬洪鈞不禁風樹驚搖
落無復儀形範摺紳恐見琴書俱寂寞駱峯
園樹又爭春

藝文館提學洪暹

應期維嶽降命世大賢生瑞鳳翻蒼竹祥麟
踏玉京方看周斗酌忽已泰山傾隨化誠無

恨云亡涕自攜

僉知中樞府事林億齡

豈但文章伯由來道德師清癯同海鶴靈驗
似神龜漁釣江湖上經綸廊廟時窮通皆自
得生死未嘗移七十非無壽兒孫亦有奇山
立零落日忍淚寫哀辭

承政院右副承旨朴忠元

山河鍾間氣著蔡讓先知忽值賢差歲空吟
國瘁詩民情春不相天意柱如歌詞館餘文
藻芳規千載貽

名遂功成後居閑引疾時猶參軍國議不負
廟堂安方善西周養何慳大耋遺實均朝野
痛一哭豈吾私

僉知中樞府事李洪男

終始 三朝倚棟樑篤生名世輔 垂裳江
湖亦抱憂心切夷夏皆知姓字香天奪稽疑
悲不慙士無矜式痛云亡人間五福能無少
大德從來有耿光

吏曹正郎金貴榮

天挺吾師周道東應時豪傑宋熙豐幾年居

洛誦君實今日還朝仗魏公夷險一心安
社稷始終全德繼文忠視予猶子情猶父反
箚深慚我不同

門人僉正金彌性

一代風流迥出儔文忠家世繼箕裘中年兒
誦身居洛晚節人推學接鄒勲業不刊鍾鼎
在老成雖去典刑留辨香敬為南豐真忍道
功言取次休

權擘

有羨天人秀春風座上開傳家唯翰墨奕世

即醜梅氣似冰壺淨襟如霽月回但知今作
古不信爵為媒威鳳復時下神龍為瑞來雲
衢方展步簧舌巧如猜未破江湖夢空懷黼
黻才環從需澤賜施向狄門培啓乃忠君術
亨能出地雷勲名輕九鼎官序近三台治切
歸輿望招應被帝催無端聞木稼匹耐見山
頽憶昔搢衣謁于今撰杖陪孔庭無物色
魏闕有餘哀白首侯芭在生芻萬念灰

門人承文院校檢申漢

企齋集卷之十三

企齋集卷之十四

文簡公行狀

公諱光漢字漢之一字時晦嶠南高靈縣人
也申氏系出是邑蔓延於一國蔚為縉紳
閥九代祖成用始以文秩顯官至檢校司空
監成用生康升康升生仁材仁材生思敬三
世追贈顯秩蓋用生者之爵以有子也思敬
子諱德隣歷敷清華官至諫議奉翊大夫禮
儀判書寶文閣大提學善隸書草法並行子
世贈正憲大夫吏曹判書德隣生包翅即

公之高考也行通政大夫工曹參議曾考諱
楷行嘉靖大夫工曹左參判同知春秋館事
世子右副賓客從文忠公之職高曾以下皆
贈以崇秩上班重光疊見為世所榮王考諱
叔舟翰忠協策靖難同德佐翼保社炳幾定
難翊戴純誠明亮經濟弘化佐理功臣大臣
輔國崇祿大夫議政府領議政兼領 經筵
春秋館觀象監事 世子師弘文館大提學
藝文館大提學禮曹判書高靈府院君 贈
謚文忠公予諱淵即公之先大夫也早捷文

榜官至通訓大夫內資寺正早世以公勲
贈純忠補祚功臣大臣輔國崇祿大夫議政
府右議政兼領 經筵監春秋館事靈城府
院君先大夫聘予司園鄭溥之門亦迎城望
族也判決事自洋為公外曾兵曹判書淵乃
其高考也二姓嬋媯以成化甲辰七月壬子
生公自成用至公凡十代連登金榜而乘丹
轂者四其中勲業文章卓犖無前者文忠與
公為盛公生四歲而孤大夫人寡居撫養雖
勤至成童猶未知學家中老婢輩往往譏之

公曰今雖未學，則必起千羣婢僕，第觀之氣度，侗儻醇如也。十五始知讀書，沛然發憤，絕其素所往來遊者，日就賢師友，講劇探討，必究與突而止。未幾數歲，遂成宏儒。平時以宿儒自處者，見公之文，慕公之博，莫不氣奪色沮，自以為蹇驢逸足，未可同衢騁也。同時有裴秀才者，亦嶺南名儒，來京師，連捷三場，驚然有獨步一代之志。嘗與公較藝庠舍，莫能相下。一日各製古賦一章，考校于大人先生，以公製為首，獎以作者手段。裴居其次，若

喪若摧，莫敢爭衡。公之才名，於是大振。時燕山政虐，公閉戶讀書，作有鳥辭，其辭曰：有鳥三年不飛，鳴天地寂寞，無好聲。我欲披肝出赤血，飲啄必與鷲鳥爭。山深路絕，風雨惡，恐有雛饑，巢亦傾。日循即今頭欲白，暮年血淚成淋，零詠之以寓意。燕山母后尹氏之墓，先大夫以近族嘗監董其事，乃記日月以備後問。及主方酬聞，有記求之甚急，來使曰：若得上，則當有厚賞。母夫人欲上之，公搜見則凡安厝之際，頗儉不循禮，使主得見，則賈禍士

夫將不測矣公立焚之竟以不得為辭其活
人手段自幼時如此歲在丁卯舉生進試賦
出黃金臺知貢舉公安國欲以公製為茅
一傍有參考以公賦中有高下通韻深咎之
竟置乙科及破糊見公名姓左右愕然悔之
及唱榜宰相成公世貞望見公召之問其姓
名曰得非高靈之後乎縑綸鳳尾世有人焉
已巳九月公於課試製表居魁直赴會試翌
年庚午捷金榜乙科初補承文院權知大夫
人榮愛之擬給臧獲公曰吾家姊妹兄弟八

人曾於司馬受貺今又重受餘何賴焉竟不
受六年辛未遷同院副正字九月又陞正字
翌年壬申四月為著作越六月選入弘文館
正字兼經筵典經春秋館記事官時沈貞
聞公有韜世之器為之紹介欲邀家者非一
公竟不往八年癸酉病免轉承文院博士九
年甲戌陞拜弘文館副修撰知製教兼
經筵檢討官春秋館記事官自是每遷兼帶
如右二月被選于讀書堂同月拜司諫院正
言適遷承文院校理又遷民曹郎又移水曹

郎以書堂 賜暇十年乙亥拜弘文館修撰
知製 教四月為正言六月陞拜弘文館副
校理知製 教十二月又拜司諫院獻納十
一年丙子二月適移成均館直講俄遷弘文
館校理知製 教時有人陳疏極論時政者
上曰臺諫所啓 命有司採其疏中觸
之言其後公入侍 帷幄臨文曰釋怒字而
颺言曰七情之中惟怒最易發而難制雖在
凡人當戒况人主乎古人以人主之怒比之
雷霆雖假和顏溫語猶不敢盡言况加 天

威之振耶昨日 命採疏中觸犯之條自古
直諫者作一未闡明時言過而罪之 上優
納之後日臺官目疏辭愷直乃 啓曰處士
橫議非盛世事昔劉蕡非訕時政亦豈明哲
之士乎公亦入侍仍 啓曰處士橫議固非
盛世事然當日朝廷之事無一可議者則在
下之臣欽承贊揚之不暇苟失其道雖欲使
人無言豈能盡箝其口孔子曰天下有道則
庶人不議庶人之議不議在乎時政得失疏
者所以達下情豈可直言為訕而廢言路乎

臺諫敢發妖言以惑 聖聰不可一日冒在
諫列 上亦曰劉養忠直後之所尊仰者某
敢非之耶翌日乃 命適非劉養者十二年
丁丑拜司憲府持平上 疏陳昭格署之借忌
辰之非 上嘉納之即命革罷五月病移忠
勲府都事俄遷水曹正郎八月拜弘文館校
理知製 教公素與趙光祖善相與講劇切
確有誤公正色責之曰非我其誰正之光祖
每改容謝曰吾之所以敬愛公者為是也光
祖常嘆服曰設使公在他國人或譖公以技

害貪求吾不信之九月拜司諫院獻納十月
拜弘文館校理知製 教十三年戊寅正月
超拜副應教知製 教五月又拜應教知製
教俄拜司諫六月陞拜典翰參考賢良科取
金暹等 上每於夜對辨論古今疊 不已
上欲掩卷而復展者累夜幾五鼓矣 上謂
公曰十年帷幄情懷密勿義雖君臣親則父
子公承 命佩服終身誦之後於謝箋有曰
義君臣親父子 恩語至今猶丁寧居廟堂
處江湖憂心何間於進退七月特拜成均館

大司成青、子衿相慶朋來庠舍不能容八月移拜大司諫公於經筵進戒之時政丞鄭光弼每啓曰請垂納儒者之言上為之傾聽十一月拜承政院左承旨病免移拜僉樞十二月拜吏曹參議十四年己卯拜都承旨知製教公病辭者屢力疾謝思是日特命引見在殿庭眩發目辭職上曰此地非卿不可調治供職可也曰辭至再上悶然曰難其代不欲適之病如是適差可也仍傳曰此人久在疾病誰與共理移拜

僉樞時權奸籍一時名流叢斐成貝欲一網打盡禍將及公左右皆曰此人雖與彼同流無可指名之跡竟得免焉光祖茅就獄馳往與語及竄遠送郊外及致賻儀平生朋友之際雖在禍患之迫不為世情變易所守之確常如此十五年庚辰出拜三陟府使賑貧恤孤教以禮俗魚鹽之利盡歸于民府內清淨庭無煩牒但鳴琴吟嘯而已且民俗信巫有疾必禱以牛繫之太白祠下不顧而去老巫將以食之官府亦有時取來下車之日吏告

其由請取之公陽應曰諾牛果至即與鄉老
曰後有來告則當與其告者未幾有人來告
公即諭還其主民篤信之始知謔妄愚俗至
變自是絕無禱事有兄弟來訟者公於闕無
知以義諭之曰汝不念天顯德爭小利一失
和樂終身不翁各退爾家當思親愛而和解
之則天倫得全友于可保其人感悟開發良
心辭訟而歸自後一家相訟聞風而退者甚
多及罷還村婆野嫗齋咨涕洟攀轅遮道如
離親戚嘉靖元年壬午丁內艱執喪一如禮

公以季子奉養母夫人極盡愉悅專以祿委
奉之鉢錢尺布未有私儲承顏請問務養其
志一日母夫人欲受立債公請却之夫人曰
爾父亦未嘗受也汝言是也二年癸未守廬
于高陽義塲思慕之深洋々乎如在其上悵
然如有聞焉三年甲申服闋卜築于驪州元
亨里開屋十五年一室圖書杜門不出雖秋
毫之細未嘗求諸人時金慕齋居梨湖公處
於斯時人談及二公咸以公為善居鄉其時
以醮事適至京第金安老公之聘舅也方棄

鈞意欲籠絡之歷問寓舍懇邀東湖別業竟
不赴其後索題于保樂堂公作詩以譏之
其詩曰聞說華堂結構新綠窓丹檻照湖濱
雲山亦入陶甄手月笛還宜錦繡人進退有
憂公保樂行藏無意我全真風光點檢須閑
熟可使何人佐上賓安老不知以為佳作識
者笑之十六年丁酉十一月權奸伏辜時政
更張大學生等守闕下乞起廢已卯人收
叙之命先及於公十七年戊戌二月拜折
衝將軍俄拜成均館大司成知製教二十

餘年重入賢館儒林顯仰如渴赴泉下至典
僕莫不舉手加額以迎七月拜大司諫同僚
欲追論丁酉人公務鎮紛議難以輔導君
德為重人咸服其量前者平安咸鏡兩道人
民逃匿黃海列邑民家朝廷命刷還本道
許接人並令全家本道刷出幾千餘人許接
家口其數倍筵若一切繩之則道內騷然監
司以是難之刑獄煩苛怨誦籲天者幾將十
年在廷之臣一無言者時大旱自春徂夏不
雨上下惶惶民生嗷嗷公除拜之日即啓

其怨請放之 上嘉是之與大臣議放是日
八道大雨歲則豐稔洪政丞彥弼見公稱曰
滿朝無非食祿孰如公念及蒼生至此公之
後必有興者云十八年己亥又拜大司成知
製 教華薛兩使之來特遣公為都司宣慰
使長篇短章歌詞諸作皆出公手天使以本
國文人不解樂府作歌詞一闕故落一字給
之公語譯官曰此句下當有字疑其無也請
質焉天使笑曰果是改書示之人皆服公之
老於詞也五月拜兵曹參議知製 教七月

特陞漢城府右尹十一月拜京畿監司十九
年庚子拜同樞以事左遷還拜右尹五月特
拜兵曹參判兼藝文館提學同知春秋館成
均館事時星州史庫災令設實錄廳更脩國
乘以兼春秋與脩多所潤色九月拜司憲府
大司憲正肅頽網凜然有古諍臣風十一月
拜兵曹參判二十年辛丑病免拜同樞二十
一年壬寅拜刑曹參判 世子右副賓客又
移戶曹參判十一月特加漢城府判尹二十
二年癸卯拜刑曹判書常語人曰吾累為訟

官從其理直無五疵之私出門仰天無愧於
心適後無一人以誤決更訴者五月將赴京
適拜知敦寧臨行三公 啓曰申光漢素多
疾病不能跋涉遠路請勿遣 命適之二十
三年甲辰正月特拜吏曹判書兼同知 經
筵春秋館成均館事藝文館提學五衛都提
府都總管知義禁府事八月兼弘文館提學
文衡有歸於公不得辭先是長詮曹者每於
私第抄錄名姓及為政執簿注擬旁若無人
公虛已以待博詢左右用人各當其器故為

政二年未有一人駁適清白之後孝友之人
先自擢用至於草野遺逸亦皆為拔人無敢
以私干者時人為之語曰桃李門庭可設雀
羅云二十四年乙巳四月華使行人張承憲
差帛祭 中廟以來公以遠接使逆之鴨綠
江上揖讓進退不失尺寸酬復之際哀疚之
情每見于詞華使為之重容及還相揖而告
曰申吏曹非但文詞瞻麗道器可敬地雖中
外道則一也吾尤欽慕待之如師長本一路
和答之詩凡若干首印行于世 中朝人聞

之覽相求見嘗聞花潭處士徐敬德之賢竣
事西還為訪草廬之中積理探幽不覺日之
衝黑貴而能下非誠至不能九月批推誠定
難衛社功臣正憲大夫議政府右叅贊兼知
義禁府事同知 經筵春秋館成均館事弘
文館提學藝文館提學靈城君

賜推誠定難衛社功臣號父母
封爵圖繪儀形又於 殿庭賜功臣宴賞賜

無筭 慈殿仍 傳曰此 中廟常時所御
故特賜卿服之無忘 先王以輔 後嗣勿
替邦家永久之業 教書曰忘身循公當平
日猶以為美盡忠輔國在危機寧不可嘉斯
有非常之勲宜舉丕示之典茲乃以德報德
蓋云匪今斯今卿自祖先乃心 王室翊
世祖以靖難同古公侯之腹心佐 成廟而
致治作我邦家之柱石而卿忠孝襲美詩禮
傳芳早定端凝之資夙抱宏遠之量多聞強
記英華發為文章通古達今經術措諸事業

全齋集行狀 十一
恂之乎真儒者氣休々其有容之心縉紳所
推 朝廷所依乃遭家之不造時由予之多
辜 二聖繼賓于今不吊神禍之未悔一心
如集于木靡堪邦家之多虞庶曰上下之同
寅共保艱大之鴻業豈意尹任等潛結奸究
之輩反幸危疑之時在肘腋潛懷禍心曾是
不意伏 輦轂自作不靖路人所知尚賴
社稷之臣克圖君父之惡卿能與贊於國討
俾予亟行其天誅弘濟艱難實仗庶明之勵
翼一節夷險亦有僉謀之詢同久知夙夜之

賢果獲股肱之美益嘉忠貞之世篤非獨邁
跡之自身宰相須用讀書人能辦大事故國
非謂有喬木由厥世臣功不能忘賞何敢惜
斯策勲為衛社三等功臣圖形垂後爵其父
母妻子嫡長世襲不失其祿宥及萬世於戲
懋官懋賞雖熈厚報之恩同德同心尚勵篤棊
之節故茲教示想宜知悉九月兼弘文館大
提學藝文館大提學二十五年拜議政府左
叅贊館伴于詔使正鶴 求見張天使皇華
集見公所作嘆曰張天使見歷多矣八月拜

禮曹判書 仁廟卒哭後以贊禮之勞賜賚
便蕃作謝箋上于 慈殿及 大殿傳曰以
薄物例賞之箋辭懇切于 慈殿馬島絕和
之後日本爲馬島請和使价絡繹公曰廷議
已定不可輕改然比年以來海無賊船朝廷
固知馬島守海之功於是馬島知復和之要
在於無賊故不敢爲變者有年矣及至復和
之時公判禮曹竟以海無賊船歸功而許和
蓋使馬島知不爲作變然後和好可保也日
本使臣爲言曰馬島爲大國守海於下國若

不相管然公毅然曰馬島罪在不赦爲鄰國
容恕而今言若不相管則彈丸小島殄滅無
遺畜亦何難哉使臣懼伏曰以大國之威靈
何所爲不可哉唯大國所處一如公之約條
二十六年丁未病辭移拜知樞府閏九月陞
崇政大夫靈城君與會盟也二十七年戊申
拜判敦寧以病累辭文衡辭曰臣之所不堪
請問大臣 上曰不可適然卿願問大臣第
問之三公議 啓曰文衡乃士林儀表才德
具全無如此人不可輕適後於 垂簾殿前

以老病引退 慈殿面命曰老成世臣當鎮
靜朝廷不可引退二十九年庚戌拜議政府
左贊成時復兩宗公於 垂簾前啓曰 大
王大妃殿下日以保護 聖躬斯爲 聖德
不可崇信異教以累至治 傳曰卿言至此
欲置君於無過之地也公又退而陳疏極諫
云三十一一年壬子病辭贊成拜判中樞三
十二年癸丑拜議政府左贊成時年七十上
箋乞致仕其略曰自包翹始事 太宗既類
張良之五世而微臣遭遇 中廟又似召公

之三朝生未忍永訣堯舜社甫雖切於戀君
久不復夢見周公仲尼嘆衰於行道 上不
允遣都承旨中官 賜几杖宴 教書略曰
惟卿德器宏博學問淵源堂之一代之師儒
挺之羣寮之儀表安 社稷爲悅勒鼎彝之
鴻功非堯舜不陳居廟廊之重地歷三朝而
夙夜專一心之忠貞視出處爲之安危與國
家同其休戚稽疑謀事多慮已以依毗告老
乞閑奚援古而辭去十二月以病拜判樞三
十三年甲寅呈辭 傳曰今觀大提學辭狀

以謝 恩表事為未安大抵人之所見各異
病餘構思所製豈可以為未安乎其諭安
心調理二月又辭文衡 傳曰今觀辭狀卿
以未適病革云故命適之諭以安心調理七
月三公詣 闕啓曰頻數 經筵只有臣等
三人申光漢歷事 三朝年德俱邁雖資級
未及陞為府院君兼領 經筵事久故 啓
之不敢 傳曰如啓是月日特加輔國崇祿
大夫靈城府院君兼領 經筵事三十四年
乙卯以病辭職 上特遣史官諭以安心調

理五月倭賊犯遼梁鎮陷城池殲將卒先是
馬島乞復歲船之請書 啓勤懇又以無食
不能守海為辭公以為雖吾之赤子若貧餓
則起為盜賊理之常也况絕海孤島之倭乎
彼常仰食於我國我若不開生路則其勢必
至於侵掠故以 聖祖神略猶給其歲船五十
至於庚午之亂還滅二十蛇梁之變又滅五
船滅至於半彼之生道亦窮曩者既以無賊
許和之後至今七八年以無賊變且觀國
勢天時人事多在南方困弊彼見我國如此

其有凌犯之心固也百計攻鑽欲得歲船者
愕然其未已也不以此時歸功而稍復其船
數則彼將失望作賊必矣莫若及其未發量
宜賞之以係其心失今不許至於變作之後
則與之不可不與亦不可必有難處者矣以
此力爭 慈殿垂簾前時李邕為首相同八
侍沮公曰唯北狄長驅可畏至如倭奴固不
足畏也何復歲船為且申光漢乃已卯之流
其言似迂 慈殿教曰彼雖不足畏孰若邊
釁之無也申光漢之慮是也然竟為邕所閣不

得少施及邕之死公以此往陳於三公者至
再三猶不得見施公為之憊然又謂宰執曰
不出四五年倭亂將作老夫未及見此公等
他日之憂也後島主又以歲船之故陳辭乞
哀以津頭浦口賊船散漫陽為報變而實欲
恐喝朝廷及作耗濟州之後又送使人以實
其言曰吾豈壽張耶公久典禮判且秉文衡
馬島前後書契靡不研究我國修答皆經公
手故備知島主巧詐公答書責島主曰脫有
籍此而為變罪有所歸直破奸情則彼不敢

自肆至是公又欲以此答之更陳 經席之
上請議大臣又往執政之家陳辭懇至朝廷
不採公言處之失宜居常悒悒 甲寅夏遣以
軍額之事 上命在家收議乃於其未陳
啓島主情狀且曰不出三年濟州殆非我有
及今夏有達梁耽羅之變時人擬公誓龜咸
服其遠笑公宿病漸革氣韻沉綿瘦骨生稜
如癯鶴跨蹠猶對人言語不忘邊寇詢 如
夢中語閏十一月初一日癸亥終于正寢享
年七十二訃聞 上震悼傳于左承旨慎希

復曰勲舊重臣即世自上慟悼 命進
素膳輟朝三日賻贈有加 內賜素物遣禮
官弔慰諸孤別遣內使 賜黃楮目 傳曰
此乃節物真于極前又遣禮官諭祭其文曰
惟靈 鄉有山草枯秀鍾 三朝宿德一代
儒宗有蘊其中有義其藻玉佩鏘 河源浩
：先知獨見唯一老成逮今遭變深服其明
期伏元龜稽卜决疑天何奪速不我肯遣就
第之問予亦不逮生死之憾於焉曷極公身
長九尺瓌容貌如龍章鳳姿氣醇而恢質直

而毅風彩疑重如泰山喬嶽常居無疾言遽
色德合剛柔喜愠不形望之知其為碩人君子
左相尚震初為宰相時嘗遇公於重入之日
語人曰吾今日見一君子人問之曰申光漢
其見重於世如此學問淵源本諸六經尤精
於語孟庸學理會心得獨詣高妙遠近學者
日萃師尊之長於易學捷於推數嘗讀經世
書有所未達仰而思者七日七夜假寐有老
人容儀甚偉自稱邵子告其所未解惕然而
覺豁然有得古人云思之、、又重思之思

而不得鬼神將通之誠哉云為文必以韓孟
為範汪、如萬頃洪濤淪漣蕩瀾不求為奇
而自能奇變嘗讀三蘇文知學術不正悔其
不能忘趙光祖當稱羨之為詩本諸三百篇
相少陵而宗江西氣渾而雄律賒而富清研幽
妙峻潔流麗如銅丸走板如繁星麗天衆辭
森備遠駕前古人謂善學老杜平生誠孝非
出於勉強每得時物必垂淚薦之不薦不食
公之伯兄侍奉父母神位居鄉公不得與祭
每於四時必祭不以俗忌少廢常教子弟曰

為吾子孫者寧為祀先而死不可廢祀而生
又語人曰世俗於先祖則不祀已則列鼎而
食寧獨何心可享富貴是豺獺之不若聞者
感其言多有化者性惡紛華嘗一日夫人以
紅段製衣公曰色混御服臣子所不忍著遂
止之常遇人之喪必親匍匐救之非獨親舊如
是雖踈遠亦無不然有子弟侍食者公見其
食淡曰古之人攻苦而食猶淡爾則不然淡
亦足矣接人無貴賤賢愚必禮貌之雖弟姪
親戚待之如賓一團和氣猶存於其中故賢

者親愛之不賢者亦知有所依時肉食癡兒
繞籬童牝覓官知不及公嘗勉二子以傳家
業勿使干祿自作詩以訓其詩曰人參天地
間所貴在知學賦與非不均稟受有清濁由
其學不學賢愚終異域卓彼先覺人獨全此
明德悶斯衆迷方指南導擗壇大道豈遠人
吾心是太極五性理統同四端非外鑠七情
幾在意萬事交於目紛々日以鬪誰歟能主
寂程人自虛明所存神不測賢者必操持矧
伊予與若操持非強把敬義宜著力懲忿與

室懿其要在謹獨鷄鳴儼衣冠六經窓前讀
夫子善誘人大段博而約莫輕子夏門莫先
張也祿安和鎮浮躁孝悌乃如職源泉必達
海進者終有得丘陵不至山孔聖惡夫畫吾
家一十世斯文相繼續實惟善慶基禍福在
所積墜亦自汝輩起亦由不息嗟々淡與津
勉爾知自勗兒皆聰聰明訓年雖可仕一未
有干進者公少時夢彩鳳一雙飛集屋角公
祝之仍開口鳳翩然以入自是才華日進遂
著吞鳳說以自負暮年又夢吞一鳳未幾棄

文術江淹彩筆不爲景陽所棄文章終不少
躋晚家國東園駝駱山下無絲掾丹楯僅藏
書史洞壑竒邃有林泉之勝自封君後官事
多暇率二子日賦詩其中得句輒寫怡養閑情
自號駱峯又號青城洞主名其所居齋曰企
齋人將望其遐壽一遇疾不起士林違々無
所依如摧梁木焉公在憂居廬時嘗夢毋夫
人命之曰汝壽章八位則可府院君而止章
字乃六十其餘一曰作五畫六十八加五即
七十二位亦稱是果協前夢公初娶錦山郡

守林萬根之女生二女一適社稷令鄭衡早
世生一女適生貞丁胤禧、即京畿觀察使
丁公應斗之男也有才名二適盈德縣令沈
義儉生六男二女後娶石城縣監吳玉貞之
女生二男二女長湊登乙卯生貞次津登壬
子生貞生一男一女皆幼女適軍器別坐李
純臣次適進士沈荀浹津皆捷文科初校將
以榮夫來歲天不允延惜哉表姪知敦寧府
事趙士秀自幼受薰薰沐於門久矣叔嘗謂
余曰老夫心事唯子深知身後之言屬之子

士龍公亦以五倫多缺行終不舉吁立朝進
退與正人君子相先後臨機棘棘有譽然壁
立之風學不止於詩文之妙得力於義理之
正者足以推測嗚呼盛哉



